

nasque sententias ex Davidis Psalmis excerptas elegiaci carmine conscripsit. Insuper vitam Sanctissimi Patris nostri Benedicti, carmine heroico conscripsit. Elegias duodecim de Passione Domini: Paraphrasim vario metri genere excultam in Psalterium Davidis Regis. De martyrio Monachi: Vitam B. Guillelmi Anachoretæ carmine sapphico: Vitam S. Patris Benedicti, Sanctorum Mauri, Placidi, & Joannis Baptistæ carmine heroico. Vitam aliam S. Benedicti carmine sapphico, & soluta oratione moralem expositionem continentem. Tractatum orationis quadraginta horarum: & Psalterium gloriosæ Virginis Mariæ carmine sapphico: Scripsit etiam quamplura alia poetica, quæ longum esset singula enarrare. Edidit etiam dialogos, homilias, & sermones multos soluta oratione. Vivit usque hodie & septuagesimum octavum excessit annum.

ANNO TATIO.

AB oppido Sangri, familia de Faggis ortus est Angelus, qui, (si Platonis illud verum est, nomina rebus plerumque convenire) Angeli instar fuit, præcæ quidem virtutis, ac sanctitatis exemplar, temporis avarissimus, & diligens, horarumque pervigil distributor, poetica facultate usque ad eum pollebat, ut quidquid libuisset, facile atque ubertim penè ex temporaneo carmine enunciaret. Opuscula quæ edidit, teruntur passim eruditorum manibus, impressa Colonia Agrippinæ. Psalmos Davida mira Paraphrasis arte colligavit imitatione Hebræorum, quos numeris decurrere auctor est Hieronymus, ut & Jobi pleraque, & Hieremix Threnos: extat impressa paraphrasis ista Venetiis 1540. & Basileæ 1551. Romæ verò 1587. in 4. excusa est vita Sancti Benedicti carmine heroico. Tractatus quadraginta horarum habetur impressus Florentiæ 1587. in 12. & Tridenti in 16. Obiit Casini ann. 1593. ætatis suæ 93. cujus corpus anno octavo postquam terræ mandatum fuerat, integrum illæsumque se vidisse in sepulchro testati sunt nonnulli.

CAPUT IX.

DE HONORATO.

Honoratus Hiserniensis, ex familia Fascitella, in Casino Monachus susceptus est sub Vincentio Neapolitano. Postea verò creatus est Episcopus de Insula in Calabria, Vir in Græcis, humanis, & divinis literis versatissimus. Poëta insignis. Scripsit quamplurima opera, quæ temporum calamitate ad manus nostras non devenerunt. Floruit temporibus Caroli V. & Maximiliani Imperatorum.

(*) Ranutius Gerus, hoc est Janus Gruterus, qui

ANNO TATIO.

MArci filius natus Anno MDII. laudatus à Bembo, Joanne Casa, Flaminio, aliisque coetivissimis viris; cujus etiam poemata læpissimè leguntur apud Jovium in elog. Suntque impressa quoque in delitiis Poëtarum Itolorum. Insigne edidit opus de factis Alphonfi Avoli Marchionis Vasti. Anno Domini 1551. die 30. Januar. à Julio Papa III. ornatus Insula Episcopali; præceptor datus Innocentio Montio Cardinali ejusdem Pontificis Nepoti adoptivo. Meminere Ranutius Gerus (*) lib. 1. Poëtarum Illustr. Italiæ, & Caramella in suo Musæo Illustriorum Poëtarum hoc disticho:

*Lacteus est vates. Cur lacteus? undeque lactis
Nomen habet? versu est candidus atque tener.*

Interfuit Concilio Tridentino. Romæ obiit mense Martii 1564. ibidemque sepultus postquam Episcopatum resignaverat anno 1562.

CAPUT X.

DE GREGORIO.

Gregorius de Viterbio, Monachus Casinensis, utriusque Juris doctissimus. Floruit temporibus dictorum Imperatorum, & sepultus est in Casino.

ANNO TATIO.

Meminit Arnoldus lib. 2. Ligni vitæ, de Scriptor. Eccles. litera G. hoc lemmate. *D. Gregorius Viterbiensis J. U. D. & Monachus Congregationis Casinensis, alias S. Justine de Padua, qui claruit anno Domini 1540. Scripsit tam pie, quam doctè, super Evangelium Joannis: In principio erat verbum homilias, sive sermones tres, qui sic incipiunt. I. Dicibilis sermo de indicibili Verbo in verbis dicibilibus. II. In principio erat Verbum. III. Non licet filii veritatis. Sunt MSS. apud D. Constantinum Syracusanum Monachum Carbanensem. Ita Arnoldus.*

CAPUT XI.

DE BENEDICTO.

Benedictus Canophilus Sangrinus, Monachus in Casino factus est sub Ignatio Florentino, Abbate Casinensi, vir utriusque Juris doctissimus. Scripsit quamplurimos libros in Jure Canonico. Edidit quoque Repertorium quoddam in Jure Civili, & extractum de foro fori, & foro poli, qui quidem est impressus. Claruit temporibus Caroli V. & sepultus est in Casino.

ANNO TATIO.

Benedictus Canophilus de Castro Sangri fecit Compendium Juris Civilis, ac Canonici, & summam rerum. Scripsit etiam Re-

delicias Poëtarum collegit.

